

Rõõmu Grethe kitt kooliaasta lõpu puhul säämega oppajit


Kae lk 2

Pilte ja juttu Umast Pidost

Kae lk 3

Ruitlanõ ähvärds: värisege, varga!

Kae lk 4



ETV ots vanalt Võromaalt iloliidsi inemiisi

ETV nakkas tegemä vahtsõt võrokeelist sarja «Iloinõ inemine», tuud tugõ Vana Võromaa kultuuriprogramm. Safan om kümme saadõt, egän saatõn luvvas häätahtlik pilt üttest lihtsast Võromaa inemise, kinkal om väärt mõttit ja tegemiisi. «Mu meecest om mi telekanalin parhilla kõgõ inämb puudu hariligõ inemiisi elost häätahtligun võtmõn,» põhjõnd saatõ luuja Rebäse Tiina.

Saatit naatas tegemä põimukuun ja näta saa vahtsõl aastagal. Ku kiäki arvas, et timä torõda tutvva vai naabri tegemiisi olõssi ka kavvõmba kandi rahval põnnõv kaia, sis või tuust teedä anda aadrõssi tiina.rebane@err.ee pääle.

Vahtsõnõ vana Võromaa kultuuriprogramm (2010–

2013) tugõ mitmit umakeelitsit ettevõtmiisi, tuusiän võrokeelidse aolche, raadio- ja telesaatiidõ ni Lasteka Jäno-Jussi multikidõ tegemist.

Viil saa Vana Võromaa kultuuriprogrammi abiga plaadi pääle hulga võrokeelitsit laulõ: uma lasõrtsõõri tegevä Kalkuna Mari, Mäesalu Indrek ja miihilaulupunt Ütsiotsõ. Toetas ka Põlva talorahva muusõõmi veskiraamad, Ruusa külä lukõ tõsõ jao, vana Võromaa savvusannu pildiraadu, Põlva maakunna perimõskultuuri atlasõ, võrokeelidse Tähekese välländmist ja mitmit muid ettevõtmiisi.

Vana Võromaa kultuuriprogramm and timahava umakultuuri ettevõtmiisi jaos 1,35 miljonni kruuni.

UL

Leete Kai sai 100 aasta juubõlis näütuse ja filmi

26. lehekuul tetti Võromaa muusõõmin vallalõ näütüs «Tants – Kai Leete elu ja kirg». Näütüs tutvustas tandsuoppajat ja tandsõ tegijät Leete Kaid timä 100. sünnüaastapääväl.

Sainu pääl om Leete Kai kirriv elo läbi tandsu. Kaid tulõti hää sõnaga miilde timä tüükaaslasõ ja tandsja. Muusõõmist minti Võru surnuaid, kon avvustõdi Leete Kai mälehtüst.

Õdagus oif Kandlõ majja tulnu pallo võrukõisi ja küläliisi, et ütitselt kaia Murusalu Rutu filmi «Sündinud tantsule. Kai Leete». Inne kanni tandsurühmä ette Pau Maie säet tandsusüüdi «Kaie keerutused».

Filmi lavastaja ja Kai man

Võrun tandsu opnu Murusalu Rutu üteli, et perämäne aig oif taa film är tetä. Tuuperäst, et viil eläs inemiisi, kes Kaid mälehtäse. Film kõnõlõs Leete Kai elost läbi häie ja halvu päivi. Näemi ka Kaid hinnäst. Nuu omma jupikõsõ laulupitõ kroonikast ni Murusalu Rutu üttest vanõmbast filmist «Elujõud».

Leete Kai (sünnüinimega Ksenia Karukova) sündü 26. lehekuul 1910 Tartu liinan. 35 aastat umast elust, 1960. aastast pääle elli Kai Võrun.

14. paastukuul 1995 kolisi tä mi mant är taivaidi tandsuplatsõ pääle. A timä tandsu ei häo. Näemi näid vahtsõst 5. piimäkuul Kubija pedäjide all Võromaa tandsupidul, mis seo aasta om pühendet mi üle Eesti tunnõtulõ tandsumemmele.

VALPRI LIINA



Laadahuuig läts vallalõ. Viimäse nädälivaiõ om laatu peetü mitmõl puul vanal Võromaal: Kanepin, Varstun, Urvastõn, Tsoorun, Põlvan. Urvastõ Urbanilaada pääl paksõ inneskine postimiis Kirschbaumi Peedu esitettüt kodoveini. «Väega hää!» kitivä Oja Aino ja Potteri Hilda. «Hää maia, sis and hää veini kah!» «Ma ei olõ kah esi suur veinitegijä, käu rohkõmb naabridõ puul kaeman, kuis tegevä ja sis tii perrä,» kõnõl Peedu. «A ütlesse niimuudu, et ku vana moosi kokko panda, sis tulõ hää vein!» Tollõ jutuga jäivä ka veini maitsnu provva väega nõuhtõ.

HARJU ÜLLE pilt ja jutt



KOTJUHI DIMA PILT

Laulurõõm paistus vällä nii Uma Pido lavastaja Trassi Raivo (hääd kätt) ku ka pidokõrraldaja Ojari Triinu (kesken) ja laulõsäädjä Ripsi Pireti näost.

Laulurõõm Indsikurmun

BREIDAKSI ARVED

Põlvan Indsikurmun puulpäävä maaha peetül tõsõl Umal Pido helgäs nii võrokõisi ku küläliisi näost vasta suur laulja tandsurõõm – üttegi vingun näko puupistü rahvast täüs pidoplatsi pääl es näe.

Võromaa katsa kihlkunna laulja, näide sõbra ja sugulasõ – Indsikurmu laulukaarõ

ala kogosi õdagus tubli 3300 lauljat ja vähämbält niisama pallo päältkaejit. Olg-ola tunnõ olf lauljil kimmäs ja Indsikurmu tükse nii suurõlõ hulgalõ inemiisi tsipakõsõ kitsaski jäämä.

Pääkõrraldaja Ojari Triinu jäi pidoga rahulõ. «Egä asi tüüt ja miiskund tekk hääd kuuntuud,» üteli timä pühapäävä Umalõ Leche. Pido olf timä jutu perrä terve võrokeelidse kultuuriruumi pido. «Rajoonipiiri meid es piä,» kõrras tä jupikõist pidojutust, mille sääd kokko laulumii

Kalla Urmas ja rahvalõ kõnõl pidomemm Metsuri Marje üteli abiliidsi Limbaku Erki ja Otsari Lauliga.

Joba riidi õdagu Põlva kerikun õnnistamisõga pihta naanu Uma Pido võtsõ timahava joba väikumbat sorti festivali mõõdu. Kas nii olfgi mõtõld? Ojar selet, et nädälivaihtusõl olli Põlvan ka (timahava perimõshõngõlidsõ) Põlva liina päävä, mis anni Umalõ Pido vunki mano.

A tuu, kas Uma Pido nakkaski egä katõ aastaga takast tulõma,

nigu mõtõ om olnu, olõ-i viil kimmäs. Ojari Triinu selet, et laulu- ja rahvapido kõrraldaminõ om suur tüü. Umaette rassõ om rahva jaos põnnõv laulukava kokko säädü. Ku pito väega sakõst tetä, või asi ütõsipuidõs kätte minnä ja helchüs kogo ettevõtõmisõ ümbre är häädüdä.

Ojari Triinu lubasi, et süvõ joosul märgitäs vällä ja üteli däs sügüse, kuna tulõvanõ Uma Pido tulõ. Kas sis 2012. aastal vai ildamba.

Perimõsklik latsilaagri Himmastõn

9.–10. põimukuu pääväl (9.–10.08) omma aoluulidsõ Võromaa 4.–12. klassi opilasõ oodõdu perimõskultuurilaagrihe Hurda Jakobi sünnüküllä Himmastõhe Põlva lähkun.

Laagrin opitas võro kiilt, saias suurmehe Hurda Jakobi elokäügiga tutvvas. Oldas timä sünnütalo muro pääl, proomitas esi kotussõnimmi ni rahvaluulõt kõfada, küdsetäs saia, matkatas Taivaskotta vai Põlvahe, proomitas rüävihkõ kõütä ja tetäs pallo muud põnõvat.

Põlva kihlkunna Himmastõn om külä, kon om viil alalõ vanna hõngust.

Kiä taht tuust ossa saia, pallõsi teedä anda meili al-las.tiia@gmail.com pääle vai kõnõtraadi 5614 3780 kaudu ildampa 4.06.2010.

UL

Võrukõsõst naanõ võitsõ autukriitika-võistlusõ

FASTRÕ MARIKO

Mõnistõ vallast Andrusõlt peri Kirchi Kerli (25) mõistsõ umast väikust autukõsõst nii vaimuka jutu kokko kiruta, et võitsõ autukriitika-võistlusõ ja saa preemiäs nätal aigu vahtsõ sportautuga ümbre-tsõõri kãruta.



«Üts sõbõr tiidse, et sääne konkurss om käümän ja soovif sinnä kiruta. Ma sis mõtli, et ma kirutagi. Sõsar ja sõbranna saisi kõrval ja mugu kävve pääle, et läämi pidulõ, läämi pidulõ... A jutt sai õks valmis ja är saadõtus,» naard Kerli, kiä opp Tallina ülikoolin päähämäärõmis-tiidüst (reklam ja imagoloogia).

Üte suurõ autufirma kõrraldõdulõ konkurssilõ «Avasta endas autoajakirjanik» saaf Kerli jutukõsõ «Amatsoonide auto», miä kõnõlõs timä parhillatsõst väikust rahvaautust.

Jupikõnõ jutust om sääne:

Hää auto-jutu iist anti Kõivu Kerlile nädälis aos vahtsõ sportauto võtmõ kätte.

«Kõgõ parõmb asi amatsoonõ (sõnanais) jaos om massina man muiduki joogitõpsõhoitja, kohe kõrdapiten pandas kas autujuhi energiajoogi vai katõ ütensõitja ollõpudeliid.»

Kerli jutt miildü hindajilõ nii väega, et nä valisigi Kerli võitjas. Avvuhinnas saa tä nätal aigu sõita vagivahtsõ sportligu autuga. Päält tuu saa Kerli võimalusõ kiruta juttõ eri autist portaalilõ Whatcar.ee, midä lugõva nuu, kiä tahtva hindäle vahtsõt autut osta.

«Ma olõ joba kirutamisõ pääle mõtõlnu küll. Tahetas lihtsambit juttõ, miä kasõ autidõ pääle hariligu inemise silmiga ja miä ei olõssi nii väega tehnilidse. Tuusjaos olõ ma valmis!» kitt Kerli.

Kirriv ja tsärre Uma Pido



Kalda Indrek ja Kalkuna Mari omma ökvalt är laulnu Rahmani Jani luu «Määne om seo maa?»



Pidosümbolit, jurakut löödsapilli nõstva rongikäügin pidolidsõn pikk-särgin vana Võromaa mehe: tuumpää-miis Kõva Kalvi (kural), Põlva maavanõmb Sibula Priit, Võro maavanõmba kotussõtütjä Allasõ Anti ja tulõvanõ Võro instituudi direktri Kuuba Rainer. Pidotuld hoit Haanimiihi nõvvokua vanõmb Hollo Agu.



President, Mulgimaa miis Toomas Hendrik Ilves puja Luukasõ ja Võromaa mehe Kama Kaido vaihõl pito kaeman. Näide takan (kural) kaes pito Põlva liinapää Tammõ Tarmo.



KOTJUHI DIMA PILDI

Vana Võromaa katsa kihlkunna vägi om pidojuhtõlõ Otsari Lauilõ ja Limbaku Erkile pidaigu siiva andnu.

Tõsõ Uma Pido man oll egäsugumaidsi eri ammõtiga inemiisi, kedä pido-vaim ütte köütse. Näist mõnõ käest sai Uma Lehe jaos tsipakõnõ pido kotsilõ küsütis.

Taivaskuan Uma Pido tulõ palama pandnu ni toolõ regilaulu, pillimängu ja juttõga väke sisse puhknu Maavalla kua vanõmb KAASIKU AHTO: «Ku võro kiil om võrokõisi vana imäkiil, sis mi uma imälaul om regilaul, midä mi rahvas om laulnu jo kats tuhat aastat vai kavvõmbki.»

Uma Pido lavastaja TRASSI RAIVO, ku pallo om Uma Pido kõrraldaminõ üldlaulupido kõrraldamisõst tõistmuudu?

Om taa nigu väiku üldlaulupido vai hoobis tõistmuudu maailm?

Mi olõmi Uma Pido kunstnigu Hõragu Toomasõga üts kõrd ka suurt Eesti laulupito lavastanu ja kujondanu. Tafnan.

Säääl anti mullõ perädü veidü aigu – mullõ tetti ettepanõk kats kuud inne laulupito. No mis säääl iks inämb tetä? Laulukaava oll paigan ja püüdsemi rutuga midägi vällä märki.

Säääl mi edimäst kõrda pruuv-sõmigi sõna ja laulu kokko panda.

Suurõl laulupidol omma mõõdi suurõmba. Indsikurmu om väega hää kotus: tan om hää akustiga mõtsa vahel ja taa om kõik ütten tükün. Suur lauluplats Tafnan om perädü suur ja taht väega hääd tehnikat.

Uma Pido ristiesä **KLAASI**

URMAS, kuis võrokiilne laulupido algusõ sai?

Kunagi arotõdi, et kuis taad Võro kultuuriruumi ütten köütä ja rahvast kokko lüvvä. Tuukõrd, aastit tagasi, oll Valgjärvel Kaika suvõülükuul ja sis ma ütli säääl, et ku cestläse lauli hinnäst ütten rahvas, sis mi pidänü nakkama kõrraldama võrokiilist laulupitõ, laulma võro keelen.

Ega ma tuul aol mõista-s arvada, et viiemeistri ja sõnnu kirotaja taast nii kinni võtva. Mõttõ ma alosti, a väega pallo inemiisi om ütten tulnu ja Uma Pido om umma ello naanu elämä.

Kas tuust aost pääle om Põlva ja Võro maakunnan rohkõmb ütten miilt?

Ma arva, et kultuur om üle kõgõ ja kultuuriirituse, laulupido piät olõma üle kõgõ. Selge tuu, et valla umava-

hel konkuriirvä ja maakunna konkuriirvä investeringide ja asatundjidõ peräst, tuu iks jääs. A säändse pido, kon kõik ütten omma, avitasõ ütstõsõst ka parõmbalõ arvu saia. Umavaihõliidsi häti om lihtsamb kõrda saia, ku inemise omma ütten pito pidänü.

Pido rongikäügi iin pidotulõga pidoplatsi pääle marsnu Haanimiihi nõvvokua vanõmb HOLLO AGU, mis tunnõ oll tõrvikut käen hoita?

Tii pääl tunnõ es olõ nii, a ku siia [Indsikurmu] tulli, sis lei tävvegä. Väega kimmäs tunnõ oll. Ku kõnõlda olõs vaia olnu, sis sõnna ei olõs suust vällä saanu.

Kas käsi es väsu är?

Põllumehe käsi, ega taa ei väsu.

Kuis tulõvalvemisõ üü lätõ?

Üü lätõ häste, tubli naasõ olli, kiä hoitsõ laulu üleväl ja tuli püssü.

Kiholasõ es süü är?

Kiholasõ ka magasiva veidükese aigu, a hummogu tulli ja võti vahtõ auruga. Tuu oll väikene asi suurõ asä man.

Kunnakuurõ üldjuht OTSARI SILJA, kuis pido miildü?

Väega illos pido ja võrokõsõ hing laulsõ.

Mis võinu olla parembalõ?

Ei mõista nii ökvalt üteldä, mõni asi muusikalidsõlt... ja taa plats om iks väiko, võro hing ei mahu siia är ja rahvas kah es mahu.

Mis tege ütten laulupidost hää laulupido?

Ku inemine lätõ kodo ja

ütles, et hää laulupido oll. Laulurahvalõ es olõ taa lihtsä: hummogu tulla pruuvi, päiv läbi tetä pruuvõ ja sis vihma ja kuuma ja kõgõga toimõ saia.

Ku edimäst ja tõist Umma Pito kõrvuisi kaia, sis mis näil pääle kotusõ vaiht om?

Ku perrel om kats last, sis omma mõlõmba armsa ja ei saa ütledä, kumb om parõmb. Kats Umma Pito ommava erinevä, a sääamega tetti.

Folklorist KÕIVUPUU MARJU, kas võro vaim ja kultuur jääs püsümä?

Muiduki! Kas pääle täambäst om määnestki katsildõ mõtlõmist?

Küsse **BREIDAKSI ARVED**

UMA PIDO

KU KESKKOTUS KIMMÄS, SÕS LADVA' LAULVA'

Suur aituma kõigilõ, kiä avidi Umma Pito tetä ja vitä! Tennämi sääemest kõiki lauljit ja päältkacjit!

UMA PIDO KÕRRALDAJA

Kuuluda

Kuulutisõ lehtepandmisõs kõlistä tel 78 22221 vai kirota info@umaleht.ee.

Soonõtasominõ. Kae mano www.annikamassaažituba.ee vai küsü perä tel 512 9701. **Umapidoliidsilõ soodushind kats näädil!**

Telli Uma Leht Võromaalt peri sõbralõ, tutvõlõ vai sugulasõlõ!

6 kuud – 60 kr, 12 kuud – 120 kr
Telli saa tel 78 22 221 vai info@umaleht.ee

Umma Lehte saa Võromaalt ja Setomaalt **Lehepunkt** müügikotusist, **Tarto pääpostkontorist** ja Talinast **Ateena raamadupoost** (Roosikrantsi 6)



Teeme õõlõ äärl!
Kodukäri



Alostus värvihuuaoõlõ!
Alpina alostas 10 latsiaia värvmist!
Värv sa kah uma kodo üle!

Seo kupongiga saat kõigi Alpina värv ja muu kraami odavampa 1.06.–30.06.2010.

Kae puutõ, miä Alpina kraami möövä: www.alpinacolor.ee **Alpina**

Esä ja poig elosaos vihavainuh

KUUSÕ MANN

Tafna lähkoh Kosõl eeli edimäde Eesti vabariigi aigu üts pereh, kink poliitilnõ ilmanägemine küündü sainast saina. Esä oll purupunanõ, poig oll vagi-valgõ ja imä tuu vacsõkõnõ hoif kõik aig ummi silmi peoh.

Imä õs taha ei valgit ei verevit. Timä tahtsõ kas vai ütsainumaski päiv rahumeceli, ilma poliitilid-sõ vihkamisõlda ellä.


Kül pallõl imä poiga, kül pallõl miist, a midägi õs avida. Esä ja poig olliva veiga kangõ ja saisiva vastamiisi nigu kats sikka purdõ pääl. Mitte kumbki õs anna mitte kriipsugi perrä.

Või-olla olõs näide elo lännü peris hirmsast, a inne joudsõva Vinne väe Eestimaa. Esä nakaõ noid vinläisi õka muudu avitama, a poig pagõsi ar mõtsa.

Algusõh vařas poig hinnäst hainaküünüh ja peräh-poolõ uma perre kardohka-koobah. Esä tiidse külh, õt imä pojälõ salaja süvvä kand, a timä õs tii toda nägemägi.

Ja sõs ku säkslasõ sisse tulliva, oll poig näil rõõmuga vastah ja esä joosuh. Ka esä tahtsõ hinnäst hainaküünüh vařada. Tahtsõ ello jää ja imä käest süvvä kah saia.

A timäle passiti pääle ja



PLATSI LIISO TSEHKENDÜS

timä võeti kinni. Võeti kinni ja panti üte rehe ala taba taa-dõ, umma saatust uutma. Nuu kinnivõtja olli umakaitsõmehe. Olli õkva nuusama mehe, kink pääle esä oll Vinne aol jahti pidänü. Nüüt oll esä käeh ja umakaitsõmehe tahtsõva esä hummoguvalgõh mõtsa veech maaha laskõ.

Muidogi naksiva umakaitsõmehe tarõh viina juuma. Nimä seivä-jõiva ja oodiva hummoguvalgõh, õt asi edimäde valgõga kõrda aia.

Esä oll küünüh. Küünü uss oll tabah ja taba võti oll ülembä

karmanih.

Esä lesäf kinnikõudetüle küünüh palfa maa pääl. Määndsegi nagla vasta sai timä kässoitja kabla katski nühki. Ku käe vallaõ pässivä, sõs nakaõ esä aigu viitmäldä uma katõ palfa käega hinnäst müürü alt vällä kaibma.

Nii sõs juhtugi, õt hummogu, ku unidsõ umakaitsõmehe tulliva rehe ala, õt essä maahalaskmisõlõ viiä, oll rehealonõ tühi.

Esäl õnnistu terve sõa aig hinnäst vařada. Inämb timä kinkalõgi vahelõ õs jää.

Ku säkslasõ Eestist vällä lätsivä, oll poig jälki joosuh ja esä tähtsä miis. Edimäne, miä tä tekk, tä and vinläisile kõik nuu umakaitsõmehe üles, kes tedä tuukõrd rehe ala kinni panniva ja hummogul maaha tahtsõva laskõ. Muidogi saadõti kõik nuu mehe ilma kohtulda üle Ahheroni jõõ.

Poig oll joosuh kooni poliitilnõ olokõrd pehmembäst läts. Ja õs juhtugi tuu pojaga midägi veiga hullu. Önnõ esäga oll timä vihavainuh kooni esä surmani.

Värisege, varga!

Ütspäiv läts mu naanõ rulluisutama. Rulluisu omma säändse nellä tsõõrikõsõga saapa, et panõt jalga, annat huugu ja nakkat viirdü-mä. Önnõ tii piät hää olõma. Ruusa ja kivve pääl saat hariligõ saapidõga kipõmbalõ.

Nii naanõ lätski ummi vanno kängärbälidega Võõpso bussipiätüste. Käkse kängä pingi ala, säädse hindäle tsõõrikõsõ ala ja viirdü Rāpinā poolõ. Ku tä tunni ao peräst tagasi viirdü, olli kängä pingi alt är jalotanu.

Sõbral varastõdi jõõ veechest sālākott är. Tä jätse koti lood-sikuhe ja ku järgmäne päiv tull, oll katskist kotti joba kinkalõgi vaia lännü. Viil tsipa inne tuud läts naabrimehel kuurist paadimoodor sõitma. Tüükõrran asi, mis sukugi veidükene ei massa... Mehekesel läts tuju niipallo är, et jätsegi keväjädse kalapüügiao vahilõ.

Mul om no kodovalvõ. Rõipit om nii pallo ümbre hulkman, et ma piä laskma uma naasõ kängi perrä vahti. Muid asjo kah. No om mul üüpääväne kontroll häirekeskustõst ja ku vaia piäsi olõma, sis sõariistoga vahimihhi vällsõit.

EGÄ SÄÄDÜSLIK VARASTAMINÕ kah pallo tõistõ olõ-i. Sõitsõ ütspäiv Tartolõ, Rahu uulidsa latsikaitsõhe. Oll sinnä asja. Es



RUITLASÕ OLAVI, sõnoja

olõ sääil muialõ massinat saisma jättä ku maja kõrvalõ suurdõ huuvi. Ku tunni ao peräst massina mano tagasi tulli, oll luvva taadõ pant trahviviitung 450 krooni pääle.

Naksi kaema: ollgi platsi veechen sildikene, miä and teedä, et taaha võit auto jättä önnõ elomajaütisuse kirāligu luuga. Vihahutu är. Kurat, ku meil Võõpson om vast paar-kolm varast, sõs Tarton om näid majju ja liinajakõ kaupa!

Plats, kohe ma auto jäti, oll jo perädü suur, kats-kolm massinat oll sääil önnõ inne minno. Ja ma olli kuřatüü tennü, mink iist mu käest 450 kruuni är võetas! Käü p...e, avvostõt elomajaütisus! Plannõt Maa om jumala luud ja ti ahnõ esimiis önnõ kujotas ette, et või Maast üte platsi jago massinidõ saisu-kotussõ jaos är võtta!

Kuradi väävliuru ja plii, miä liinan inemiisi pää sisse läävä ja näid ullis muutva! Ma ei lää elon inämb liina. Jäägi Võõpso. A sa, Võõpso pätt, panõ tuu naasõ kängä bussipiätüste pingi ala tagasi! Naabrimehe moodor kah kuuri tagasi! Muidõ ma lasõ Pendli-Vceliksil sullõ tiät mida pääle panda... Noid hemorroidõ sa, rõibõ, tagaotsa kaudu uma elo joosul vällä ei kõhi!

Tossu Tilda pajatusõ

Abielo pästmine

Taa lugu, minkast tan juttu tulõ, juhtu päält neläkümne aasta tagasi. Aolehe toimõndus sai kirā õnnõdu abielomehe käest, kiä kaivaõ, et naanõ tedä pett. Kirān pallõl tä toimõndust appi uma abielo pästmisel.

Mehel oll kimmäs teedüs, et timä naanõ käü nädälvaihtuisi õdagil uma armukõsõga restoraanin. Miis tahtsõ, et aokirānik olõs istnu armupaarist parran kavõhusõ pääl ja pasnu näid salguisi. Tuud olõs timä meelest kõgõ parõmb tetä nigu spioonifilmin: teesi, nigu loessi aolehte, a tegeligult vahissi läbi leheprõ sisse tettü mulgu. Kirā seen olli ka abielotsurkjidõ täpsä tunnustähe ni kats ruublit kuludõs.

Asi anti kõrda aia ülikoolist

saadõt praktikandilõ – poissmehele, kiä kõgõ suurõmbat häädmilõ tundõ katõst ruublist. Tä lubasi suurõ suuga, et käü kõrtsin är. Et vahtõs aõa tulli pääle ja praktikant esi es kõssa kah midägi, sis läts toimõndusõl «abielo pästmise» lugu meelest ärki.

Hulga aigu ildamba trehvis umaaigõ praktikandiga vanna aigõ miilde tulõtama. Kisse, kuis spioonifilmi viguridõ ja katõ ruubliga abielo pästmine kah läts? Miis, tuus aos jo kõva aokirānik päaliinan, naard ja ütelf, et täl jäi restoraanin iks käümäldä. «Tuud abielo olõs saanu pästä miis ja naanõ esi vai Vanajummal. Ku nä tuud teivä, sis om asi kõrran. Säändsen aõan ei massa lehetsura pääle luuta.» ütelf tä. Miä katõst ruublist sai, tuust tä juttu es tii.

Latsilõ

Vastussõq saatkõq
Tartu 48, Võro liin
65609 Uma Leht vai
info@umaleht.ee.


Manoq kirotagõq uma nimi, vannus, aadrõs ja telehvoninumõõf. Vastajidõ vaihõl loositas vällä võrokeelitsit latsiraamatit vai kasette ja Uma Lehe klepse.

Minevākõrdsõ mõistatusõ vastussõq: «Pido lõud iks rahvast, lämmi vesi anomit» ja «Hää om kõik, mis harva saat.» Avvohinna saavaq Pahva Andres (11) Valgast ja Zeerusõ Deivi (7) Missost.



Kaeq võrokeelitsit Jussi-multikit: www.lastekas.ee → Jussi multikad → multikaq võro keelen!

Mõistaq ärq! Kõiki mõistatusi vastussõs ommaq sitigānimeq: mehilāne, kusikuklanõ, tākirk-lutik, sītasitik, kiholanõ, prussaguq.



1. PIKÄ NOKIGA TSIRK LINDAS. KU SA TIMÄ ÄRQ TAPAT, UMA VERE MAALÕ VALAT?

2. TIID PITE TIRKÕLÕS, MAAD MÜÜDÄ MÄRKELES, LÄTT KUUSTÕ KUPA-KAPA?

3. HAHK NAHKSEPP, MUST NÜHKSEPP, SAVIHAVVA PÜHKSEPP?

4. MUST KU HÜDSI, TSUNG KU TSIGA, MÜRRÄS KU HÄRG, LINDAS KU TSIRK?

5. SÕA SÕNNIQ, TRAGUNA HOBÕSÕQ, SÕOVÄQ ÄRQ SUUSAMBLÕGI?

6. VÄIKENE MIIS, VAIB KIRVÕS?

Ruusmäel, vallavalitsusõ man, tege Swedbanki pangabuss piätuse

üle nädäli neläpäivilde kellä 14.30-15.30.

Pangabuss tulõ Ruusmäele 10.06, 24.06

Swedbank

